

სახალხო მაცემი



სუკათეპიანი ღამატეპა

გაზეთის № 271.

კვირა, 3 აპრილი 1911 წ.

ღამატეპის № 47

„ქრისტეს ვნებათა“ წარმოღობენები

გიოტეს, შილოერის, ბეტხოვენის და სხ. სამშობლო ბავარიის სამხრეთ ნაწილში, შესანიშნავ ქალაქის მიუნხენის მახლობლად მდებარეობს სოფელი „ობერამერგაუ“, რომელიც ყოველ ათის წლის თავზე ათასობით იზიდავს სხვა და სხვა ქვეყნის მოგზაურებს. ამ სოფელში შენახულა საუცხოვრო ძველი წესი, — ყოველ ათი წლის თავზე, ვნების კვირაში, აქ იმართება საშუალო საუკუნოების სასულიერო წარმოდგენები, რომელშიაც დასახულია იესო ქრისტეს დაბადება, წამება და აღდგომა და რომელსაც სახელად „ობერამერგაუს მისტერიები“ ეწოდება. ერთი ასეთი წარმოდგენა გაიმართა შარშან, 1910 წლის აპრილში. და წლის თავზე ჩვენც ვეცდებით მკითხველს გავაცნოთ ამ საუცხოვრო მისტერიების ისტორია.

მოუხედავად იმისა, რომ ამ ბოლო ხანებში ეს წარმოდგენები დიდ ფულს იძლევა, ობერამერგაუს თეატრულმა რეპორტაჟმა იცის რამე ხელობა, და როდესაც წარმოდგენები არ არის, მუშაობს კიდევ. მაგალითად იესო ქრისტეს როლის აღმასრულებელი, ანტონ ლანგი, მეთიხეა. (სურათი მე-2). გუნდის ლოტბარი, იაკობ ბუტციკი ნალბანდია და სხვა. თუმცა, როგორც ხელოსანი, ისინი განთქმული არიან უფრო საღმთო წერილის შინაარსის ხის ქანდაკებებით, ვიდრე სხვით. იმათი ამოქრილი ხატები სახელგანთქმულია არამც თუ ბავარიაში, არამედ გერმანიის საზღვრებ გარეშეც კი. როგორც ზევითა ვსთქვით, ათი წლის განმავლობაში მხოლოდ ერთხელ იმართება წარმოდგენები. დანარჩენი დრო კი „ობერამერგაულეები“ ხელობით არიან გათული. მაგრამ აქაური ცხოვრების დედა-ძარღვი მაინც წარმოდგენებია. ობერამერგაულეს ვერ წარმოუდგენია თავისი სოფელი უმისტერიებოდ, უთეატროდ. მთელი „ამერგაუ“ ცხოვრობს ხუთიდან ხუთ წლამდე: ხუთი წელი



სურ. 1. სოფელი „ობერამერგაუ“ თეატრით.

სოფელი „ობერამერგაუ“ მდებარეობს მთაგორიან ადგილას, მიუნხენიდან ორი საათის საფარზე. მიუნხენიდან სადგურ „მურნაუმდე“ 60 ვერსის მანძილზე გაყვანილია რკინის გზა, რომელიც იკლავება შტარნბერგის ტბის საუცხოო კიდვზე. რკინის გზის ლიანდაგის გასწვრივ გაყოლებულია ერთსართულიანი თეთრი სახლები, — მიუნხენელების აგარაკები. მაურნაუდან „ობერამერგაუმდე“ მიდის ელექტრონის რკინის გზა. ამ სოფელს შორიდანვე არჩევს კაცი მაღალი სამრეკლოთი და ვეებერთელა მოუხეშავი შენობათ. ეს შენობა არის „ობერამერგაუს“ თეატრი, რომელიც წარმოდგენების დროს მუდამ გაქედლია ხალხით. (სურათი № 1)

— წასულით (წარმოდგენის გახსენებით) და ხუთი წელიც — მომავალით (წარმოდგენის მოლოდინში). რამ გამოიწვია ობერამერგაულეებში ასეთი რელიგიოზური სიმტკიცე, რომ მათ რამდენიმე საუკუნის განმავლობაში არ შეუცვლიათ ძველად ნაანდრძევი, ან რად შეიქნა პაწაწა სოფელი საკვებოდ ცნობილ წარმოდგენების ბუდედ?

მისტერიების პირველი კვალი იკარგება მე-XVI საუკუნის სიღრმეში. თითონ სოფელი ამერგაუ კი მე-VIII საუკუნეზე აღრე არსებობდა. ჯერ ეხლაც შეიძლება კაცი აქაქ შეხედეს სოფელს ლათინური სახელით. პირველი საბუთი — ლეგენდა, ეკუთვნის მე-IX საუკუნეს. ეს მშვენიერი, სა-



სურ. 2. ქრისტეს როლის აღმსრულებელი ა. ლანგი ოჯახით.

შუალო საუკუნოების საუცხოვო ელემენტებით მოქარგული ლეგენდა ამბობს შემდეგს:

ძველად ამ არე-მარეს ჰქვოდა მედიდური რაინდი ეტიკო. იგი უძლეველად სთვლიდა თავს, რადგანაც იმედი ჰქონდა თავისი ურიცხვი ჯარისა და ღონიერ მოკავშირეების. ეტიკო შეფესაც არ ემოწინებოდა, რადგანაც იცოდა, რომ იგი ვერაფერს დააკლებდა. ამიტომ თავის თავს მეფის თანასწორად სთვლიდა. მის სიამაყეს თავზარი დასცა მისავე შვილის უღირსმა ქცევამ, მისი წმიდათა წმიდა—სახელი შებღალა შვილმა, რომელიც ფულის გულისათვის გადაეცა მეფეს. მედიდურ გველფს ბოლო მოუღო ამ ამბავმა. წამსვე მოსცილდა ეტიკო ქალაქის ხმაურობას და სიცოცხლეს. თორმეტი საუკეთესო რაინდით გადიხიზა მთებში. აქ მოსძებნა საუცხოვო, დაბურული ტყით გარს შემორტყმული ქალა: ქალის შუაგულ ჩამოდიოდა მთის მდინარე „ამგერი“. აქ ნადირობაში აყოლებდა გულს და იქარწყლებდა სეკდას. იმის სიკვდილის შემდეგ ამ ქალას დაერქვა „ეტიკოს ქალა“. თორმეტმა რაინდმა კი, რომელნიც ეახლენ ეტიკოს, ამავე ქალას შემდეგში „ამმერვილის“ მდინარის პირას ააშენეს სოფელი, და მას მდინარის სახელი დაარქვეს. მდინარეს კი „ამგერი“ ერქვა. ასე წარმოსდგა სოფელი „ამმერგაუ“. საერთოდ ობერამერგაუს მცხოვრებლებს ყველაფერში ემჩნევათ ღვთაებრიობისაკენ მიდრეკილობა, რაც, სხვათა შორის, მისტერიების წარმოდგენებშიც გამოიხატა. როგორც წინედა ვსთქვით, ასეთი წარმოდგენები მეტად გავრცელებული იყო, მეტადრე ბავარიაში. საიდვან წარმოსდგა მისტერია „ვენებანი ქრისტესი“. გადმოცემა ამბობს, რომ 30 წლის ომის დროს*), როდესაც ბავარიას აწიოკებდნენ შვედები, „ობერამერგაუს“ ეწვია ახალი სენი— შავი ქირი. ობერამერგაულელები შიშის ხარმა შეიპყრო. დღე ისე არ კავილოდა, საზოგადოებას რამდენიმე წვერი არ დაჰკლებოდა. როგორც მორწმუნე ხალხს შეჭერის, აქაურებმაც ღმერთს მიმართეს და აღთქმა დაუდეს, იესო ქრისტეს წამების სახსოვრად ყოველ ათის წლის თავზე წარმოდგენენ „ქრისტეს ვნებას“. ამ დღიდან, ვითომც, შესწყდა სენის მძვინვარება. თუმცა ავად ბევრი იყო, მაგრამ აღარავინ მომკვდარა, ყველანი მორჩნენ. პირველად ასეთი წარმოდგენა 1634 წელს გაიმართა და მას შემდეგ ყოველ ათი წლის განმავლობაში ერთხელ მეორდება. ასეთია ძველი თქმულება.


მე-XVII საუკუნის მეორე ნახევრამდის ასეთივე წარმოდგენები იმართება ბავარიის სხვა ადგილებშიც, სანამ მე-XVIII საუკ. დასაწყისში მათ ყურადღება არ მიაქცია სამღვდელთაგან. „საკადრისი არ არის,—ამბობენ ისინი— რომ უღრმეს საიდუმლო ჩვენი წმინდა სარწმუნოებისა სცენაზე წარმოსადგენად გადაიქცეს“. მათი ზეგავლენით მთავრობამ ობერამერგაულელებს წარმოდგენის გამართვის ნება აღარ დაართო. ბევრსა სცდილობდნენ მცხოვრებნი, რომ ეჩვენებიათ უსაფუძვლოება ასეთი განკარგულებისა, ტყუილად უთითებდნენ საუკუნოებით შექნილ ტრადიციას, მაგრამ

*) ოცდა ათის წლის ომი (1618-დან 1648 წლამდე) გამოწვეული იყო კათოლიკებსა და პროტესტანტების ერთმანეთისადმი მძულვარებით. შვეიცია ჩაერთა ამ ომში თავის ინტერესების დასაცველად, რადგანაც მას სურდა ბალტიის ზღვის ფლობა. ამ ომმა ძლიერ დაასუსტა გერმანია და დაქვევითა მისი კულტურა.

ვერაფერს გახდნენ, რადგანაც მთავრობა სამღვდელთაზე უთითებდა და სამღვდლოება კი თავისაზე იღვა. დროთა ცვლილების მიხედვით ხანდახან აქა-იქ მაინც იმართება ასეთი წარმოდგენები. ობერამერგაულელებიც სარგებლობენ მთავრობის გამოცვლით და 1788 წელში, როდესაც სხვა ადგილებში უკვე თავი მაინებეს ცდას, ობერამერგაულელებს მაინც აქვთ წარმოდგენების გასამართავათ ნებართვა. შემდეგ მთავრობამ კვლავ აღუქრძალა მათ წარმოდგენების მართვა, მაგრამ ობერამერგაულელების ფანატიკოსობამ მაინც თავისი ჰქნა და ამ ჩვეულებამ ჩვენამდისაც მოაღწია. პირველი წარმოდგენები უფასო იყო. მაგრამ სოფლის საზოგადოება არც ისე მდიდარი იყო, რომ წარმოდგენებისათვის საჭირო ხარჯი თვით ეზლო, ამიტომ 1726 წელს, მაყურებელთ პირველად ართმევდნ შესასვლელ ფასს, თუმცა ამ ფასის სიმცირის გამო, საზოგადოება თავისას მაინც ორს იმდენს ადებდა. როდესაც გამოიკვია, რომ ესეც არა კმარა, შესასვლელ ფასს აღწიეს, წარმოდგენებიც გაიმეორეს. საქმე კარგად წავიდა მხოლოდ 1840 წელს, როდესაც წარმოდგენებს დაესწრო 50.000 მაყურებელი. აქედანვე იწყება ამ საუცხოვო მისტერიებზე მატერიალიზმის გავლენა. მისტერიები ჰკარგავენ წინანდელ ხასიათს. ვეებერთელა სასხვერპლო—თეატრად გარდაიქცა, მისი ქურუმები აღარ მღვდელმოქმედებენ, არამედ თამაშობენ.

1850 წლიდან, წარმოდგენებით დაინტერესებული მწერლებისა და ჟურნალისტების შემწეობით თანდათან იზღუდა ამ პატარა სოფლის სახელი. ხალხი ათასობით ეტანება წარმოდგენებს. ასე რომ: 1880 წლის წმინდა შემოსავალი იყო 255000 მარკა*), 1890 წ.—488,000 მარ., 1900 წ.—306,000 მარ. და 1910 წელს კი საერთო შემოსავალი იყო—1.704,600 მარკა, მხოლოდ წმინდა—1.369.428 მარკა. წმინდა შემოსავალი, საზოგადო საქმისთვის გადადებულ თანხის გარდა, გაიყვეს ერთმანეთ შორის 865 მონაწილემ.

მისტერიის სიუჟეტს შეადგენს სახარების ტექსტი ბზობიდან ამალღებამდე. მხოლოდ მას დრამატული ფორმა აქვს მიცემული. შენახულა ბევრი სხვა და სხვა ხელნაწერი; ყოველ მათგანს ერთი და იმავე უძველეს დედანის ზეგავლენა; ეტყობა ამ დედანის ავტორი კი ჯერ გაქოუცნობლად რჩება 1861 წელს გამოვიდა მშვენივრად გამოცემული ტექსტი, მხოლოდ იგი ძლიერ მოუხეშავი ენით იყო დაწერილი და რიგ ბევრი ისეთი ადგილია, რომლის გამოც წინააღმდეგ მის წარმოდგენას სამღვდლოება. საჭირო იყო მისი გადაკეთება და სასცენოდ შესწორება, რაც მშვენივრად შეასრულა აქაურმა მღვდელმა დაიზენბერგერმა 1850 წელში. გუნდისთვის საჭირო მუსიკა კი დასწერა აქაურმავე მასწავლებელმა დედლერმა. დაიზენბერგერის მიერ შემუშავებული ტექსტი თვალსაჩინო გამოიღვა, რადგანაც იქიდან გამოტოვებულია მორწმუნეთათვის არა სასიამოვნო ადგილები და ჩამატებულია ახალი მოქმედების სწორ განვითარებისათვის საჭირო სცენები. ყოველ მოქმედებას წინ მიუქდვის ბროლოგი, რომელსაც ასრულებს გუნდი, და ცხოველი სურათები. გუნდი ხსნის მოქმედებაში გამოსახულ ამბებს და უკავშირებს მას ძველ აღთქმის წინასწარმეტყველებას. ამის ილლიუსტრაციად კი ცოცხალი სურათები პროლოგისა და გუნდის ტექსტი ლექსით არის დაწერილი, დანარჩენი ნაწილი მისტერიისა კ—პროზით. ტექსტის შესაფერად მოწყობილია სცენაც.



სურ. 3. ცოცხალი სურათი: პირველ ლადამიანის სამართხიდან განდევნა.

*) მარკა—47 კაპიკსტურის.



სურ. 4. ბზობა. ბავშვების გუნდი ჰგალობა „ოხანას“.



სურ. 5. მღვდელ-მთავრები ანნა და კაიაფი.

თავდაპირველად მოქმედება სწარმოებდა სასაფლაოზე. მაგრამ რაც უფრო მეტი ხალხი ეტანებოდა წარმოდგენებს, მით უფრო შეუძლებელი ხდებოდა აქ წარმოდგენების მართვა ვიწროების გამო. ამიტომ 1830 წელს წარმოდგენები გადაიტანეს იმ ადგილას, სადაც ეხლა თეატრია. მაყურებლები პირდაპირ ცის ქვეშ, გადაუხურავ ადგილას, ისხდნენ. გაავდრების შიშის გამო თან მოჭმონდათ ქოლგები და წამოსასხამები. მხოლოდ 1900 წელს გააკეთეს დახურული შენობა და ადგილები იწყება სცენიდან და ამფითეატრად აღის სცენის პირდაპირ გამართულ ლოჯებით. თეატრში სინათლე შემოდის ქერში დატოვებულ ნახვრეტით, რომელიც წვიმის დროს იხურება. გარდა ამისა, სცენასა და დარბაზის შორისაც დაუხურავი ადგილია დატოვებული. სცენის სიგანე თითქმის 20 საყენს უდრის; იგი შესდგება 4 ნაწილისაგან; ვეებერთელა აფანსცენის სიღრმეში მოთავსებულია შიგნითა დახურული სცენა, რომელსაც გვერდებზე უვლის იერუსალიმის ორი ქუჩა; შიგნითა სცენას აქვს მოძრავი ფარდა და ავდრისაგან დაფარულია სახურავით. სცენის დანარჩენი ნაწილები გადაუხურავია და მაყურებელთაგან არ არის გაყოფილი ფარდით. აფანსცენის მარჯვნივ მდებარეობს დერეფანი და შემდეგ მღვდელ-მთავრის ანნას სახლის წინაპირი კიბეებით; მარცხნივ მოსჩანს ასეთივე კიბეები პილატეს სახლისა. შიგნითა სცენა მოწყობილია ცხოველი სურათებისა და იმ სცენებისათვის, რომელთაც დეკორაციების გამოცვლა ესაჭიროება. წინა სცენის გასწვრივ ჩამწყვირდება ხოლმე გუნდი, აქვე ხდება მოქმედებები, რომელთაც დეკორაციების გამოცვლა არა სჭირია. როდესაც კი ხალხის ბრბო გამოდის და საჭიროა დიდი ადგილი, შიგნითა სცენა გაერთიანებულია გარე სცენასთან.

დღის 7 1/2 საათზე ისმის ზარბაზნის ხმა, რომელიც ამცნებს ხალხს წარმოდგენის მალე დაწყებას. სრულ რვა საათზე გამოდის პროლოგი და გუნდი. მაყურებელთაგან დაფარული ორკესტრი უკრავს აკომპანიმენტს და გუნდიც მწყობრად გალობს კოდების გამოსყიდვაზე. შემდეგ ფარდა ახსდება და გამოჩნდება ცოცხალი სურათი—სამოთხიდან

განდევნა პირველის ადამიანისა (სურათი მე-3). პროლოგი კი მელიოდრამატული ესალმება დამსწრეთ და სთხოვს მათ მთელი არსება მიაპყრან უზენაესს. ამის შემდეგ გუნდი გვერდებზე ჩამწყვირდება და შიგნითა სცენაზე გამოჩნდება მეორე ცოცხალი სურათი— იესოს ჯვარის თაყვანის კემა. მოქმედება იწყება ბზობით. იესო ქრისტე მიემგზავრება იერუსალიმისაკენ. გარშემო მას ახვევია აუარებელი ხალხი. მხიარულის სიმღერით უფენენ ხის ტოტებსა და ტანისამოსს, ბავშვები მღერაინ „ოხანას“ (სურ. მე-4). ფარისევლები შორი ახლოდან შიშით ადევნებენ თვალყურს. იესო ეკლესიაში ჩარჩებს შეამჩნევს. განრისხებული გამორეკავს მათ იქედან და წააქცევს მტრედების გალიას. ჩარჩები გონს მოვლენ, შურის ძიებას მოიწადინებენ. მათ ლევიტები აქეზებენ და ურჩევენ მღვდელ მთავარს მიმართონ საჩივრით. მეორე მოქმედებაში გუნდსა და პროლოგის შემდეგ გამო-



სურ. 6. მოციქული პეტრე.

ჩნდება ცოცხალი სურათი—მსჯელობა ძმებისა იოსების თავიდან მოცილების შესახებ. მოქმედება წარმოადგენს სინედრიონის კრებას. მღვდელ-მთავრებს და სინედრიონის წევრებს აშფოთებს ქრისტეს უცხო სიტყვები და მისდამი ხალხის თაყვანისცემა. ისინი ხედავენ იესოს საქციელში მამა-პაპათა სარწმუნოების შებღალვას, ამიტომ გადასწყვეტენ იესო ციხეში ჩასვან, მაგრამ ხალხისა ეშინიანთ და არ იციან, როგორ შეიპყრან. მათ დაეხმარება ჩარჩები. ერთი იმათგანი ამბობს, რომ ქრისტეს შეპყრობა შეიძლება იმის მიმდევარის შემწეობითაო.

მესამე მოქმედების წინ ისევ გუნდი და ცოცხალი სურათებია: პირველი სურათი წარმოადგენს ტოვიას მშობლებთან გამოთხოვებას, მეორე—ქალი სტირის საქმროს დაკარგვას. იესო ქრისტე ბეთანიის გზაზეა. ის და მოწაფენი მისი შედგან სიმონთან. მას აქვე დახვდება ლაზარე, რომელიც ამას წინედ გააცოცხლა იესომ. ლაზარე აფრთხილებს იესოს და ეუბნება, რომ ფარისევლებმა გადასწყვიტეს დალუპვა და მახეს უგებენ. ტყუილად ეხვეწებიან მახლობელნი აქ დარჩენას; იესომ იცის რომ მოახლოვდა სატანჯველი წამი. ამ დროს გამოჩნდება მარიამ მაგდანელი. მას მიაქვს ძვირფასი ნელსაცხებელი, რომელსაც იესოს ფეხზე დაღვრის და შემდეგ თმებით მოსწმენდს. ზოგიერთები და განსაკუთრებით იუდა უკმაყოფილონი რჩებიან ასე უბრალოდ ძვირფას ნელსაცხებელის დაკარგვით. შემდეგ მოქმედებაში იესო იერუსალიმისაკენ მიემგზავრება. მას შეხვდება დფთისმშობელი და ემუდარება, ნუ მიდის იერუსალიმს; მაგრამ იმის ხვეწნამაც არ გასჭრა: მამა დმერთის ნება უნდა აღსრულდეს.

მეოთხე მოქმედება კვლავ ცოცხალი სურათით იწყება. მეფე არტაქსერქსი ასტინის ადგილს დედოფლად ხლის ესფირს შემდეგ შორით გამოჩნდება იერუსალიმი; ქრისტე სტირის იმის შავბედს და გაგზავნის მოციქულებს—პეტრეს და იოანეს, რათა წინდაწინვე მოამზადონ სააღდგომო ბატკანი. აქ ისევ იუდა გამოჩნდება. მას ვერ დაუვიწყებია ძვირფასი ნელსაცხებელის ტყუილად დაკარგვა; იგი სწუხს იმაზე, რათი იცხოვრებენ მოწაფეები იესოს წასვლის შემდეგ. იუდა მარტოკა რჩება და განიზრახავს იესოს მიტოვებას; შემოსწრე-

საქართველო
1933

ბული ჩარჩები, რომელნიც იესომ ეკლესიიდან გამორეკა და სინედრიონის აგენტი, რომელიც დიდი ხანია დაეძვბა იუდას, აცდენენ მას და ქრისტეს გაცემისათვის ღირსეულ ჯილდოს ჰპირდებიან. იუდა ჯერ ყოყმანობს, მაგრამ ბოლოს დათანხმდება.

მეხუთე მოქმედება წარმოადგენს „საიდუმლო სერობას“ ისე, როგორც სახარებაშია. მოქმედების წინ კი გამოჩნდება ორი ეპიზოდი ძველი აღთქმიდან: მანანისა და ქანანის ქვეყნის ხილის ბოძებას ხალხისათვის.

მეექვსე მოქმედების წინ ცოცხალი სურათი წარმოადგენს ძმებისაგან იოსების 30 ვერცხლად გაყიდვას. მოქმედებაში იუდა სინედრიონის წინაშეა; მიუღია 30 ვერცხლი და დარაჯებს ითხოვს ქრისტეს შესაპყრობლად. მიუხედავად იოსებისა და ნიკოდიმის პროტესტისა, ქრისტეს სიკვდილით დასჯას გადაუწყვეტენ.

მეშვიდე მოქმედების წინაც ორი ცოცხალი სურათია: პირველი— ადამი ოფლითა თვისითა ჰპოულობს პურსა თვისსა და, მეორე— არაკი კოცნის მაგივრად ამასეის ხმალს ჩასცემს. იუდა კი დარაჯებით მიიპარება გეთსიმანის ბაღში; შემდეგ გამოჩნდება იესოს ლოცვა ბაღში და შეპყრობა მისი.

ამით თავდება პირველი ნაწილი წარმოდგენისა. პირველი ნაწილი დაახლოებით ორ საათზე თავდება; მეორე ნაწილი უბოლოდ ნასადილევს იწყება. მოქმედების წინ ცოცხალი სურათი გამოხატავს მეფე აქვს, რომელმაც წინასწარმეტყველ მიქელს სილა გაატყა, როდესაც უკანასკნელმა მას სიმათლე უთხრა. მღვდელ მთავარი ენა (სურათი მე-5) აღღვებული ელოდება ამბებს; მასთან მოდის იუდა და გაოცებული გაიკებს, რომ იესოს, მის მასწავლებელს, სიკვდილით დასჯა მოეღოს. იუდა შეძრწუნდება, მაგრამ საქმე უკვე გათავებულია და მის შეჩერება შეუძლებელია. ენა ეკითხება იესოს, მაგრამ უკანასკნელი ამყად უპასუხებს, რომ იგი თავის მცნებას არ მალავდა. ამისათვის მხედარი სილას გაატყამს მას. ანასაგან ქრისტე კაიაფასთან მიჰყავთ. პეტრე (სურათი მე-6) და იოანე შორით აღდგნებენ თვალყურს; მათ შეამჩნევს ერთი მწიგნობართაგანი... ისინი ძლიერს ასცდებიან ხიფათს.

მეცხრე მოქმედების წინ ცოცხალი სურათი წარმოადგენს იობის ტანჯვას, როდესაც იგი მიატოვებს ცოლსა და მეგობრებს. მოქმედებაში სწრაფად იკვლება რამდენიმე სურათი. დარაჯები მიათრევენ იესოს ქუჩაში კაიაფას სახლისაკენ, სადაც ღამის ბეობაა გამართული; მოხდება მოწმეების შეკითხვა. მიმართავენ კანონებს და გამოარკვევენ, რომ დანაშაულობა, რომელიც იესოს მიაწერეს, სიკვდილით ისჯება. კაიაფა სინედრიონის საბოლოო კრებას დილით აღრე ნიშნავს. შემდეგ სურათში ისევ იუდა გამოჩნდება. სინდისის ქეჯნის გამო ვეღარ ისვენებს ერთ ალაგას და დაძრწის. შემდეგ სცენაში პეტრე მოცოქული კაიაფას ეზოში უარჰყოფს იესოს. მოქმედება თავდება მხედრებისაგან იესოს წვალებით და გაკიცხვით.

მეათე მოქმედების წინ გამოჩნდება ცოცხალი სურათი, რომელიც გამოხატავს მოკლულ აბელის გვამის წინ მღვამ კანს. მოქმედება იწყება იუდას გამოსვლით, რომელიც სწყვიტის სინედრიონს და ფულის უკან დაბრუნებას გადასწყვეტს. იგი შეიჭრება სინედრიონის კრებაზე და გაიგებს, რომ გადადაწყვეტილების დარღვევა შეუძლებელია. ლანძღვა გინებით გადაუყრის სინედრიონის წევრებს ვერცხლებს და გამოვარდება დარბაზიდან. შემდეგ შემოჰყავთ იესო ქრისტე, და სინედრიონი წაუკითხავს მას განაჩენს, მაგრამ სასჯელის დამტკიცება და შესრულება მხოლოდ საერო მთავრობას შეუძლია; ამიტომ სინედრიონის წევრები გადასწყვეტენ პილატესთან მიღწიონ საწადელს, სიკვდილის დასჯის დამტკიცებას. უკანასკნელ სურათში იუდას თავის დაღრჩობა განუხრახავს და ფარდა ეშვება მაშინ, როდესაც იგი უკვე შეუდგება ამ საქმეს.

მეთერთმეტე მოქმედების წინ ცოცხალ სურათში მოსჩანს დანიელის ბრალდება მეფე დარიას წინ. მოქმედებაში კი დარაჯებს იესო პილატეს სასახლესაკენ მიჰყავთ. უკან ხალხის ბრბო ასდგნება. მღვდელ-მთავრებს ანასა და კაიაფას არა რცხვენიათ პირადად გამოსვლა მოწმეებად. მაგრამ პილატე თვით გამოჰკითხავს და ვერა სცნობს ქრისტეს დანაშავედ. როდესაც გაიგებს, რომ ქრისტე

გალილეელია, იგი სარგებლობს შემთხვევით, რათა თავიდან აიცილოს უსიამოვნო საქმე. გალიელის მმართველი იროდი სწორედ ეხლა ჩამოვიდა აქ დღესასწაულზე დასასწრობად და იმან უნდა გაარჩიოს ეს საქმე...

მეთორმეტე მოქმედებაში იროდი ელოდება ქრისტესაგან სასწაულის მოხდენას, როგორც თვალთ შაქცობას, მაგრამ იმედები უცრუდება. იესო ყველა მის კითხვებზე დუმლით უპასუხებს. ნუ თუ ასეთი კაცი აცხადებდა თავის თავს მეფედაო, გაკვირვებულია იროდი.—სულელების მეფედ— შეიძლება! მაგრამ ეს ხომ დანაშაული არ არის, და თუ მღვდელ-მთავრები კიდევ დაბეჯითებით, განაგრძობენ იმის სიკვდილის დასჯის ცდას, ისევე პილატეს მიმართონო. მოქმედების წინ კი ცოცხალი სურათი ხატავს სამსონს, ფილისტიმელების ტყვეობაში.

მეცამეტე მოქმედების წინ გამოჩნდება ორი ცოცხალი სურათი. იაკობს აჩვენებენ იოსების სისხლით დასვრილს ტანისამოსს, მეორე კი—ჯაგებში გახლართული ვერძი აბრამის წინ. ისევ ბრბო გამოჩნდება, რომელიც ანასა და კაიაფას მეთაურობით მიეშურება პილატეს სასახლისაკენ. პილატეს სურს მხოლოდ ხორცილ სასჯელით დაკმაყოფილდეს, მაგრამ ბრბოსათვის ეს ცოტაა. მაშინ მას მოუწია შემდეგი აზრი: დღესასწაულის გულისათვის ბრბოს ამორჩევით განათავისუფლოს ერთ ერთი დამნაშავეთაგანი, დარწმუნებულია, რომ ხალხი იესოს განათავისუფლებს, მაგრამ ხალხი, სამღვდელთაგანის ჩაგონებით, ბარაბას ირჩევს. უკანასკნელ სურათში მხედრები აღდგამენ იესოს ეკლის გვირგვინს და სცემენ მას.

მე-14 მოქმედების წინაც ორი სურათია: პირველი— ფარაონი ნიშნავს იოსების ეგვიპტეს უფროსად და მეორე— ეკლესიაში მსხვერპლის ამორჩევა ორ ცხვარს შუა.

პილატემ ხელები დაიბანა ამ საქმეში. ხალხის მოთხოვნით განათავისუფლეს ივაზაკი ბარაბა, ქრისტეს კი ჯვარსცმა გადაუწყვეტეს.

მეხუთმეტე მოქმედების წინ ორი სურათია: ისაკი სამსხვერპლო შეშის ტვირთით ზურგზე, მთაზე აღის; მეორე კი— მოსეს მიერ აღმართული სპილენძის გველი.

ტანჯულ ქრისტეს ზურგით ჯვარი მოაქვს; მას გარს ახვევია დარაჯები და ხალხი ბრბო. აქ მას შეხვდება მარიამი თანამგზავრ ქალებით; ვერონიკა თავის ხელსახოცით იესოს შუბლიდან ოფლსა სწმენდს. ჯვარს ატანაში იესოს მიეშველება სიმონ კირინელი.

ამ მოქმედების შემდეგ ცხოველი სურათები აღარ არის; მხოლოდ გამოჩნდება შავებით მოსილი გუნდი. შემდეგ მოხდება ჯვარსცმა. ჯვარს მიჭედლილი იესოთი აღმართავენ და გაამაგრებენ ორ ავაზაკთა შორის. მღვდელ-მთავრები არ არიან კმაყოფილნი იესოს ჯვარზე ზედწარწერით; მხედრები იესოს ტანისამოსს იყოფენ; იესოს გარდაცვლას თან მოსდევს მიწის ძვრა; ბრბო შიშით აქეთ-იქით გაიფანტება. შემდეგ მხედარი იესოს გვერდს გაუბობს, რათა დარწმუნდეს მის სიკვდილში. იესოს მიმღვეარნი მიდიან პილატესთან და სთხოვენ მის დასაფლავების ნებას. იოსები, ნიკოდიმი და იოანე ცხედარს ჯვარიდან ჩამოხსნიან და შესუღრავენ.

მეჩვიდმეტე მოქმედება წარმოადგენს აღდგომას. შემდეგ გამოჩნდება დიდებული აპოთეოზი—ამაღლებია, რომლის დროსაც ისმის გუნდის მხიარული გალობა.

ამით თავდება ეს მისტერია, ერთად ერთი ნაწარმოები, რომელიც ამდენ მითქმა მოთქმას იწვევს. რასაკვირველია იმ დიადი შთაბეჭდილების გადმოცემა ჟურნალის ფურცლებზე, რომელის შესახებ ყოველი პირადი მნახველი ლაპარაკობს, შეუძლებელია. მხოლოდ ერთი რამ კი უიქველია: ის რომ ეს მისტერიები თან და თან ჰკარგავს იმ ხასიათს, რომელიც მათ ქონდა ამ საუკუნის წინედ. თუ წინედ არ მეორდებოდა იგი, ეხლა თითქმის ათჯერ და ოცჯერ მეორდება და ქრისტეს როლის აღმასრულებელი ანტონ ლანგი წელს მილიონ დოლარათ სათამაშოდ მიიწვიეს ამერიკელებმა. მიუხედავად ამ მცირედი ცვლილებისა, კიდევ დიდხანს იქნება „ობერამერგაუ“ საერთო ყურადღების საგნად; მუდამ აღტაცებაში მოიყვანს დამსწრეთ ეს საუცხოო წარმოდგენა და მუდამ გააოცებს მნახველთ აქაური მცხოვრებნი, თავისი კლასიკური, დინჯი სახეთი და გრძელი თმებით, რომლის გამოც მათ არ სჭირიათ წარმოდგენებისათვის არც გრიმი და არც „კოსმეტიკის“ დახმარება. სო—ლი.